



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Außlegung der Episteln vnd Euangelien: von Ostern bis auff das Aduent**

**Luther, Martin**

**Wittemberg, 1547**

**VD16 L 5614**

14 Zu gar gering ansehen/ des so man Christo gibt/ das es die Christen  
selbs nicht erkennen.

**urn:nbn:de:hbz:466:1-37032**

Summa/ Es ist ja das aller wenigste  
und geringste/ das Kirchen und Schu-  
len von der Welt kriegen/ Noch ma-  
chet es so scheel augen/ vnd beschweret  
sie hoch/ das sie allein darüber schrei-  
en/ was die selben haben/ dazu sie doch  
selbs nichts vberall geben/ das sie es  
viel besser angelegt halten/ wo sie sonst  
hundert mal/ so viel vnerschampten/  
losen Lotterbuben/ Gencklern/ geben/  
Ja/ wol ehe können vergessen/ was sie  
Bruder Veiten mit gewalt müssen rau-  
ben vnd nemen lassen/ vnd dazu inen  
die haut lassen vol schlagen/ So gar ge-  
herts der Welt nicht ein/ das sie solt  
glauben oder gedencen/ das es heisse  
Christo selbs gegeben/ Ja wir können  
auch selbs nicht also ansehen.

Aber er kan hienon reden vnd vrtei-  
len vnd weis/ was daran gelegen ist/  
Denn man kan je/ sonderlich die Ju-  
gent nicht auffziehen zu Gottes Reich/  
denn durch die Schulen/ noch Gottes  
Wort erhalten/ on durch Predigstüle/  
Wo man nu die leste vntergehen/ da  
mus wol eitel Sodom vnd Gomorra  
werden/ vnd solchen auch also gehen/  
wie es jr gieng/ da sie Gottes wort von  
sich geworffen/ vnd den fromen Loth  
nicht mehr hören noch leiden künden.

Wie auch der Prophet Ezechiel vj.  
vber Jerusalem weiffagt/ So war ich le-  
be/ spricht der Herr/ Sodom  
deine Schwester sampt jren Töchtern  
hat nicht so gethan/ wie du vnd deine  
Töchter/ Sibe/ das war deiner Schwe-  
ster Sodom misserhat/ Hochmut/ vnd  
alles voll auff/ vnd guter friede/ den sie  
vnd jre Töchter hatten/ Aber dem Ar-  
men vnd Dürfftigen hetten sie vngerne  
die hand gereicht/ sondern waren  
stolz vnd ehten greuel für Mir/ Dar-  
umb ich sie auch weg geehan habe/ da  
ich begund drein zu sehen etc.

Eben also stehets jte auch allenthal-  
ben/ da jederman/ Bawr/ Bürger/  
Abel/ samlet nur viel Taler/ scharret  
vnd geizt/ frisst vnd seufft/ treibe allen  
troz vnd mutwillen/ gerade als were  
Gott lauter niches/ vnd sich niemand  
des armen Christi mit seinem Bettele-  
stab annimpt/ sonder n dazu vnter die  
füsse tritt/ Bis auch bey vns/ eben wie

zu Sodom vnd Gomorra allergehör-  
sam/ zucht vnd ehre vnter gehet/ weil  
kein vermanen vnd predigen nicht helf-  
fen wil/ vnd so gar vbermachtet/ das es  
nicht also stehen kan.

Ich weiffage von hertzen vngerne/  
denn ich offte erfahren/ das es all zu war  
worden/ Aber es stehet ja leider allent-  
halben also/ das ich sorgen/ vnd ny-  
schier mich darein ergeben vnd vers-  
schmerzen mus/ es werde Deudschland  
auch gehen/ wie es Sodom vnd Jerus-  
salem gangen ist/ vnd Deudschland ge-  
west sein/ Es geschehe durch Türcken/  
oder (wo nicht bald der Jüngste tag  
drein schlechte) durch sich selbs ineinan-  
der falle/ Denn es ist so gar vbermachtet  
vnd vberböset/ das es nicht erger wer-  
den kan/ Vnd ist noch ein Gott/ so kan  
er es vngestraft nicht lassen.

Ob nu die Welt solches nicht achten  
noch wissen wil/ das sie müsse sterben  
vnd für Gerichte stehen/ sondern wider  
die erkandte warheit tobt. So lasse  
vns doch solchs zu ohren vnd hertzen  
nemen/ das vns Gottes Zorn nicht  
auch mit hin reisse. Denn was sol auch  
Gott anders dazu thun/ er mus beide/  
Türcken vnd Teufel vber vns rann  
lassen/ Denn das der Türck gethan vñ  
noch thut/ das müste er wol lassen/  
wenn wir nicht so gar in vnbusfertig-  
keit vnd verstockung verhartet/ vnd  
zur straffe so gar vberreiff weren/ Aber  
das thut es/ das wir so lesterlich gegen  
Gottes Wort vnd angebotene hülfte  
toben/ vnd dazu noch wider den Tür-  
cken trogen.

Vnd ich halte/ wenn wir Luteris-  
schen (wie sie vns nennen) nur tod wes-  
ren/ so würde so bald alle Wele schon  
gewonnen schreien/ als hetten sie alle  
Türcken bis auff einen auffgestressen/  
Aber es sol inen als dem auch gehen/  
das jr hundert von einem Türcken  
geschlagen werden/ Vnd wenn das Ze-  
ter geschrey angehet/ wie jemerlich der  
Türcke die Leute/ Kind/ Weib vnd  
Man zurhacket/ so wöllen wir als dem  
auch erst schreien vnd klagen.

Aber es mus also sein/ das wir thun/  
wie die Jäden/ vñ nur diesen Christum  
hinweg richten/ Wenn dieser gecreu-  
zigte ist/ so wöllen wir dem Türcken  
Tr ij wol

Schreck-  
liche weiffa-  
gung vber  
Deudsch-  
land.

Des Türck  
glück vmb  
vnsere vers-  
tockte bos-  
heit.

Straffe vñ  
der Sodom  
vnd Jerusa-  
lms vmb  
verachtung  
Gottes  
Worts.